


資治新書



			九一	漢書門
二	四	六	九	
冊	架	函	號	類

三

庫文閣內

內閣文庫	
番號	漢 5158
冊數	24 (3)
函號	297 28



Kodak Gray Scale



© Kodak, 2007 TM: Kodak



colorchecker

x-rite

MSCCPC1214



MSCPPG1214

x-rite

大學

治新書卷之二目次

學政

考較類

大學

通行十三府觀風牌

蔡魁吾

行金華府屬各學牌

李鄴園

行建昌府屬六學牌

李少文

行泉州府屬各學牌

王望如

北提學道

蔡魁吾

學政二 幫補類

文太青

請幫補申文

卷二目

卷之二

請願缺申文

文太青

學政三 行優類

行優諸生看語

文太青

學政四 舉節孝類

報節孝申文
節孝旌言

文太青

節孝看語

趙韞退

學政五 祀名宦類

請祀名宦

文太青

公舉名宦沈守正石語

文太青

學政六 奉祀類

褒崇陸氏子孫

王陽明

代嵩縣請邵氏子主學
儒童某奉祀看語

文太青

學政七 復衣巾類

請復寘生看語

文太青

學政八 丁祭類

申飭祭丁樂舞

秦瑞寰

學政九 鄉飲類

行贛州府縣三屬牌

李少文

軍政一 指授方畧類

勦捕漳寇方畧牌

王陽明

卷之二

二

議處河源餘賊

王陽明

綏柔流寇

王陽明

札守東道
又札守東道

蔡魁吾

諭陳中軍

蔡魁吾

軍政二 檄兵會勦類

預行南京各衙門勤王咨

王陽明

移金鎮會勦山寇咨

秦瑞寰

軍政三 調兵防禦類

移部院請發兵鎮衛咨

秦瑞寰

軍政四 催釐發兵類

行委官督諭土目牌

王陽明

軍政五 督辦軍需類

咨請部院共催船工
查議民造軍牌

秦瑞寰

軍政六 召募兵勇類

選練民兵牌

王陽明

軍政七 犒勞軍丁類

移提督犒賞戍卒

佟瀝白

軍政八 禁兵擾掠類

行杭州二屬牌

秦瑞寰

行衢巡道牌

秦瑞寰

禁飭弁兵借盜生事牌

佟匯白

軍政九 安慰軍民類

仰沿途各衙門慰諭軍民牌

王陽明

軍政十 敘列軍計類

咨兵部

平西王

咨吏部

平西王

敘遊擊某海戰大捷功呈

蔣楚珍

敘海捷功次呈

蔣楚珍

獎勵信豐安遠二令牌

蔡魁吾

批將士爭功呈

王陽明

資治新書卷之二

湖上笠翁李 漁蒐輯

學政一 考較類

通行十三府觀風牌

江西蔡魁吾諱士英 遼東人

為觀風事照得江右素稱材藪人文蔚起甲於東南雖當兵革之後而絃誦至今不衰蓋其浸淫於詩書禮樂之教者深也本部院出撫名邦樂觀其盛為此仰府官吏照牌事理云云務令諸生盡一日之長不負本部院作人之意不許分題送作以圖塞責試畢將原卷固封呈繳以憑品題合用卷價供應照例動

支考試項下銀兩。造報開銷其供應茶菓等項俱宜
潔淨。不得聽憑經承人役潦草粗爛致圖混冒有失
觀風之雅化。

行金華府屬各學牌

金華李鄴園 武定人

為月課事照得婺州人文粵區才思神皋本廳私淑
風流執鞭欣慕今幸佐理茲士正欲借詩書之潛濟
所。獄。之。枯。迺。不。得。與。爾。諸。生。酬。獻。心。聲。揚。抗。風。雅。不
真俗吏耶。然遇駿必憐見獵則喜。葵猶備本青豈忘
藍爾諸生閉門造軌定不肯浪擲居諸巧之不如習
也揣摩素矣各應趨此閒時留心帖括本廳且以時

送難稽覈課程通計九學諸生其外郡外縣願考者
皆不之拒。每於月之初六日赴學試。本廳親簡閱定
高下。行見爾諸生爭光鬻采。鵲起文壇鏗鏘並奏。能
驚趙鞅之魂。輝煥相華。時瞬安豐之眼。本廳樂觀盛
事詎敢居功鼓吹實將慰所懷來斯邁斯征。最哉多
士

行建昌府屬六學牌

南昌李少文 諱嗣京 興化人

為出巡事。照得臺使者行部例有觀風一考。理署陪
軒輶之末。因得縱目焉。頃詣廣昌縣學講堂諸生執
經送難。人思自見欣然請題作課。各學應有同心。為

亦道勁
亦甚難
紫贖甲
自有名
文無奈
淡人不
識

此仰府縣儒學官吏照牌事理。即將發來試題集諸
生于明倫堂面試彙卷解廳。以憑殿最高下。仍按其
尤者呈報院道作諸生大戰之氣。再照激水不漪。稿
木無陰。爾建武。固才藪也。先輩名賢。項背相望。山輝
川媚。玉韞珠含。乃年來科名落落。豈簡練之功。疎切
琢之道。未廣歟。弓待撤而後調。劍待砥而後利。巧不
如習。爾諸生聞之。舊矣。本廳願不忘規。願共勉之。時
哉弗失。

行泉州府屬各學牌

泉州王望如 諱仕雲
司李 餘縣人
為季考事照得 螺陽人文淵藪 才思神舉 本所猥不

因事成
文新穎
奪目

知文愚偏愛士。其私淑名賢。匪朝伊夕矣。幸今佐理
是邦。正仕學相資之候。無奈一行作吏。世務紛紜。兼
以道路馳驅。卒無寧晷。茲以抱疴告假。願借楮墨。為
醫丹鉛。當藥以橫掃。千軍之勇。力奏立收七發之奇
功。諒諸生不靳刀圭之賜也。為此牌仰闔屬官吏云

北提學道

蔡魁吾

前此失考。諸生得沾蒐羅。亦多士望外之幸也。該道
於廣大法門中。陰寓嚴峻之防。思義並濟。足覩持衡
者之苦衷。但諸生昔不自悔。見一旦擯諸門外。紛紛
復求再試。朝夕泣陳于較門。雖屢行斥呵。而情詞哀

委婉善
人可稱
其語之
言

是嘲是
諷是愛
是憐請
受者自
辨

迫。甚。以。昔。時。司。文。者。竟。不。相。惜。諸。生。亦。共。安。於。淪。落。
至。貴。道。加。意。作。人。又。朋。懸。冰。鑑。伊。故。深。羞。見。棄。於。有。
道。而。爭。希。一。錄。也。據。其。從。前。遂。巡。之。意。雖。槩。棄。之。亦。
何。足。惜。綠。江。右。黠。劣。性。成。諸。生。不。無。為。習。俗。所。移。或。
其。中。有。半。菽。不。飽。賦。起。無。衣。者。或。有。瓊。尾。他。鄉。方。今。
歸。里。者。或。亦。有。首。鼠。兩。端。冀。為。觀。望。者。然。即。此。觀。望。
之。輩。昔。為。踰。垣。之。客。今。作。策。馬。之。人。彼。亦。知。假。名。節。
之。不。可。以。久。沽。而。真。青。衿。之。足。重。於。鄉。曲。宜。其。匍。匐。
攀。矇。而。不。已。耳。本。部。院。逆。知。其。情。雖。未。輕。為。許。可。第。
揆。于。與。進。與。潔。之。意。似。有。相。符。貴。道。更。為。酌。量。如。未。

可盡拒或頒一示於會城令各潛志讀書候貴道旋
省再許一試拔其中之尤者餘盡置之劣黜想彼亦
百甘心也公呈昨已馳送茲能先出一示使諸生奉
以相安庶叨耳根清淨是則貴道之惠矣

以巡撫之尊其指使下僚者何求不得而先生之
批委婉謙抑若此祇以居官各有所司枉之所在
即上亦不能強之于下也吾于先生是扎識古道
之猶存借名篇以風有位不獨取其詞翰之作而
已也

學政一幫補類

請對補

文太青

得陳群以美才見收憲臺有小三元之獎雖經磨
試而未獲在對補之列桃李之植方新雲霓之望良
切或可拔置之

請廩缺

看得常行可劉朝牙俱以清才見列於高等正翹首
待廩而憲臺以歲考暫停按臨之期既遙干澤之望
倍切或得比未經發考處所一體准補庶均雨露之
施乎

學政三 行優類

行優諸生看語

邢尚義蹈禮碩儒律射雅士有懷明發絕見齒於廬
居遜貢惟行甘待年於衿佩嘉其孝弟表此章縫劉
爾瞻清霜寒玉之姿利劍流雲之手家稱五桂嚴尺
寸於庭闈才擅一枝選芳華於詞苑空羣駭足善價
運城即海內為第一流於伊于則無雙士

學政四 舉節孝類

報節孝

看得節烈開天地正氣匹婦之丹心不朽拯人類而
激頽風舊套旌揚多被於顯族而下里窮鄉即捐軀

資治新書卷二
以白志茹苦以畢年莫之間也本縣下令四野徧查
里甲但守節三五年者卽以報於是節烈畢聞於廳
事行學官衿裾細查凡與例合應題者五口例未及
而節確者姑給匾待題

孝節旌言

諸生劉廷臣爲父廬墓三年蚤亡妻張氏卽夜縊於
柩前妾陳氏年二十七撫三歲孤若節五十一年絕
呼痛迫於終天毀骨報恩於罔極枕塊而烏馴於側
近淚之士不乾瘠苦而盜避其鄰旣禫之縣罔舉張
氏畢命青絲耻鼓孤鸞之操捐生綠髮肯啗獨鶻之

歌一夜神號道路堪爲雪涕于春氣在經綸何吝揚
幽陳氏當夫子之捐寘道內君之見節娣袂有丈夫
之行保孤收善後之功桂松直挺幽芳暗素心之獨
苦蒲柳不凋中露嘆淑問之莫京

節孝看語

湖西趙韞退諱進美
守意山東人

劉氏上侍長孫衰姑下撫中郎遺女毀面而謝北山
之羅提甕而代南陔之養徽音可追異數不忝
昔稱栢舟之操者至於眠冰茹蘗止矣若吳氏者焚
箕孤嫠罹喪亂匿窮山卧起挾一七首不離蓋日寄
其生於白刃之上者豈智慮所及哉豈天與以皤髮

而待。清世之褒揚也。

鍾氏繁。綠。綴。枝。青。春。忽。落。堅。冰。委。席。長。夏。不。融。命。扞。松。門。身。安。井。水。百。年。一。日。彤。史。有。光。

敬瑜之妻。化及雌燕。陶明之女。歌申黃鵠。非羅茶。蘇。曷。彰。女。德。彭。氏。青。燈。自。矢。白。首。同。歸。所。謂。郁。芳。出。於。委。灰。而。泐。音。生。於。絕。絃。也。不。靳。卓。楔。之。數。用。代。石。窆。之。封。

看得羅氏悲生夏綠。志托山阿。咏匪石之詩。兼夜哭之訓。霜雪同凜。冰玉並堅。宜膺旌章。以風巾幗。

看得李氏婉婉柔則。雍容母儀。佐餒孔虔。調九不怠。散髮潔身。以至皓首。古云聳清漢之喬。葉揚幽谷之貞。豨彤管所垂。庶幾其選。

經云。身體髮膚。受之父母。不敢毀傷。夫違道罹咎。斯大戒矣。若受之親。而仍為親惜。又豈經意乎。吳人鳳之行。不越庸賤。而信於鬼神。非值采風。曷光愛日。看得孝廉之稱。盛於東漢。而近代以雕虫當之。忤矣。跡曾生之行。循循孺子也。盡志無憾。白首不衰。豈子與氏之苗裔歟。被以嘉名。無愧古昔。

昔公明儀問於曾子曰。夫子可以為孝乎。曾子曰。參直養者也。安能為孝。今王若雲。自盡其孺慕之常。而

猛獸格沉痾起豈其意之所及哉夫孝不近名而名卒被之是上之志而非下之志也

看得幽蘭不因植而芳江離不因佩而潔其性定也幼女劉遜玉年未及笄割股和羹以起垂瞑之母是豈知世有卓絕之行彤史之頌而為之哉宜加表直用光女德

看得以伏波銅柱之勲而追思少游平生之言感念伯高醇厚之行故知鄉里樂推非細故也蕭之裴嗣嗣公子油油佳士守青箱之素業繼麥舟之高風豈必飄長纓垂尺組始稱鳳毛哉應加甄表用勵清修

學政五 祀名宦類

請祀名宦

文太青

看得名宦之祠與鄉賢配所以嘉往勸來風於有位伊川之鄉賢目伊公伏而下載在祀典而名宦獨闕其有甘棠永思峴首墮淚公論久而益定流澤遠而如新昭然在士民之口者如劉尹德寬之在嘉靖間武尹錡之在隆慶間一則輕徭薄賦而王糧拋荒之蠲免京皂驛站之節裁種種善政生祠之碑可據也一則修學繕城而毀淫祠以為驛館捐贖鍰以為倉舍歷歷實惠鼎新之建可睹也保障垂百年之績懸

魚表三異之風。人品流馨於輿日。湛膏飲潤於羣黎。召杜之名不朽。父老之眉尚低。雖民間有血食。而璜序弗載。主良爲闕典。非所以報循吏而激靡風。况名宦非鄉賢比。其世既久遠。其里又遼遠。非有橫力之干。非有子孫之請。自非君子之澤。不斬安得誰嗣之誦。常聞備隆之俎。豆洵光於蘋蘩矣。

公舉名宦沈守正看語

看得本官嗜學如同雞跡。秦書若析牛毛。所著說叢說通初義二義等集。紹明往哲。啓迺將來。雖爲用僅太山。膚寸之雲。而遺澤亦洪。河朝夕之潤。輿情既悉。

戀無休。俎豆宜繩繩不斷。似應俯從所請。以爲明經食報之効。

學政六 奉祠類

褒崇陸氏子孫

江西王陽明諱守仁 巡撫

據撫州府金谿縣三十六都儒籍陸時慶告看得宋儒陸象山先生兄弟得孔孟之正傳。爲吾道之宗。派學術八晦。致使溷而未顯。廟堂尙缺。配享之典。子孫未沾褒崇之澤。仰該縣官吏將陸氏嫡派子孫。差役查照各處聖賢子孫事例。俱與優免。其間聰明俊秀。堪以入學者。具名送提學官處。選送學肄業。務加崇

重之義以扶正學之衰具依准繳

代嵩縣請邵子主學

文太青

惟太賢
能尊大
管頤陽
明太青
兩先生
不約而
同知十
古斯文
脫是

看得宋太儒邵康節先生三代以下最為先覺齒長
於濂溪道先於兩程其皇極經世書首以聖人之四
經配昊天四時揭天為宗而後大道有所統一云
云既崇在祀典配食孔廷而遺壠在伊川之畔者本
縣既大其繕修節其樵採顧程子之裔世為博士矜
式嵩里而邵子又二程問道之前達可無一衿裙主
也薦醮者乎雖洛陽之安樂嵩輝縣之百泉咸有衣
冠以奉血食而嵩為遺壠視二邑尤重聽其荒蕪良

非所以安先賢重名教憲臺提斯文之柄垂法人倫
倘賜其子孫一人為諸生附諸嵩學世典祀事庶先
生之蘋蘩有尸而淵源正宗與日華月露共流映於
千秋者以鈞筆為功首矣

儒童某奉祠看語

看得忠苗之植自天德慶之流如水本童委係宋太
尉李顯忠公二十一世之嫡嗣繩繩者青箱七葉之
書烈烈者赤胆千秋之血氣已振于江声岳恨祀惟
托于冷月寒風豈文山武穆之有人可太尉忠襄之
無後輿情稱快哲胤宜矜固以孝嗣其先猶當義勗

其世勳雖存于往代風實樹于來茲

學政七復衣巾類

請復寃生

查得劉獻民已經前道以行劣黜名而尙哀哀爲匍匐之控欲完其既碎之璧青鶴塌翅於長雲引頸思還其舊侶似非下吏所敢與聞矣但本縣面質多士百口咸符止以曹汝明開渠小故暗入其名以圖雀狀雖經辯明而垂棘竟受青蠅之穢其挾人酣妓影響無憑衆結一詞如果此生爲公論所棄挂齒頰而欲吐者則青子矜人百其身奈何躬爲之質乎燕

典雅條

臣承霜梁嶽上書士固有悞入網羅而伏首無所申其否者非仁人揭覆盆而登之春臺則此生雖摩厲待奮終將骨朽於農圃何異拔九牛之一毛乎本縣面驗其人似訥訥恂恂未渠軼於繩之外者特采士評爲之一鳴

學政八丁祭類

申飭祭丁樂舞

浙江巡撫秦瑞寰

諱世祿濟陽人

一爲復興禮樂以崇祀典事照得春秋祀聖之與陳禮樂以昭其敬歌詩章以揚其德舞塵翟以明其功制度相沿無容褻慢浙爲文獻大邦茲當春仲上

高文典
策不朽
鴻篇

本院方齋莊釋菜以樂觀其盛不意棄雅樂而尚
鄭声廢絃歌而捐佾舞何以崇祀先師聿光俎豆
未至既灌已不欲觀之矣合行查飭為此牌仰提學
道卽行府縣備查該學原設祭器及八音樂具羽毛
管籥鐘簋見貯何處諸禮生員并樂舞等生因何通
不承值致乖祭典速查明白着落門庫清理完備悉
照舊制舉行如秋祀仍前缺典立行查究不恕各先
具遵依繳查施行

學政九鄉飲類

行贛州府縣二屬牌

李少文

為舉行鄉飲大典禁革陋規以重禮教事照得鄉飲
酒禮尊長養老實為政教之本

朝廷鉅典繇古迄今卽僻壤遐方舉行無異乃處中
禮樂文明之地屢歲不行詢之則稱無賓非無賓也
聞往時推舉正賓不論德而論財擇身家殷實者借
斯典以榮之府縣經承儒學門斗及不肖諸生視為
奇貨恣行蠶食不廢不休三曾未沾一廛已盡及與
飲後又有酬謝禮若干是以富民聞之如避湯火不
得已而推及貧者則因無類可啖學官匿影青衿杜
門替禮無人歌詩不韻以至不成禮而終揆厥所繇

未俗類
風畫筆
画出意
此畫面

卷二

十三

目宛然
鬚毛欲
動

蓋以推報延請俱屬諸生為政是以需索稍不如意
此譽彼毀暮蹈朝夷一任把持公然阻格富者既遁
之深山而不出貧者又撓于眾口而不行尊讓絜敬
之儀直草莽委之矣嗟嗟主賓俱介經天地紀日月
參三光開繫何如嚴重豈為官役劣衿營私鬻賄之
用乎該郡濟濟衣冠自甘化外鬪辯安得不生人禍
安得不起而流寇安得不縱橫也夫學官以教為職
既已亾教何必設官且典禮久湮額設錢糧歸于何
處合行查飭為此仰府縣學官吏即便遵照舊典每
歲于春秋孟月舉行鄉飲其賓介不論貧富止採訪

德行著聞鄉閭推重者命里約開報姓名該縣擇日
申詳候批允日用本縣吏役敦請不必令諸生與事
如有仍前把持阻撓者指名申革該縣經承如仍前
廢棄古禮屑越 王章定申憲拏究官註下考併查
屢年鄉飲不行額設錢糧係何人侵蝕速具由報廳
以憑轉報施行

軍政一 指授方畧類

勦捕漳寇方畧牌

江西王陽明 諱守仁 山陰人

據福建廣東布按二司各呈勦捕事宜已經行仰遵
照案驗施行所有方畧恐致泄露不欲備開案內為

此另行牌仰廣東福建等處兵備僉事密切會同守
巡紀功贊畫等官於公文至日便可揚言本院新有
明文謂天氣向暖農務方新兼之山路崎嶇林木蒼
翳若兩水洑至瘴霧驟興軍馬深入實亦非便莫若
於要緊地方量留打手機兵操練隄備其餘軍馬逐
漸抽回待秋收之後風氣涼冷然後三省會兵齊進
或宣示遠近或曉諭下人此聲既揚却乃大饗軍士
陽若犒勞給賞為散軍之狀實則感激眾心作興士
氣一面亦將不甚緊關人馬抽放一處兩處以信其
事其實所散人馬亦可不遠而復預遣問牒探賊虛

兵不厭詐在講
正心誠
意者亦
然況其
他乎甚
矣陰符

之不可
不讀也

實有間可乘即便齎糗餼枚連夜速發務須捨却身
家有死無生有進無退若一念轉動便成大害勁卒
當前重兵繼後伺至其地鼓噪而人仍戒當先之士
唯在摧鋒破陣不許斬取首級後繼重兵止許另分
五六十騎沿途收斬其餘亦不得輒亂行次違者就
便以軍法斬首重兵之後紀功贊畫等官各率數隊
相繼而進嚴整行伍務令鼓噪之聲連亘不絕使諸
賊逃遯山谷者聞之不得復聚若賊首未盡探其所
如分兵速躡不得稍緩使賊復得為計已獲渠魁其
餘解散黨與平日罪惡不大可招納者還與招納不

似觀一
部熱鬧
傳言不
數十面
埋伏

得貪功一槩屠戮乘勝之餘尤要振兵肅旅如初遇
敵不得恃勝懈弛恐生他虞歸途仍將已破賊窠悉
與掃蕩經過塞堡村落務禁擄掠宜撫恤者卽加撫
恤宜處分者卽與處分毋速一時之歸復遺他日之
悔本院奉命而來專以節制四省沿邊軍職爲務卽
今進兵一應機宜悉宜稟聽本院庶幾事有總領舉
動齊一授去方畧敢有故違悉以軍法論處

議處河源餘賊

看得河源等處賊情本院屢經批仰該道會同守巡
等官從長計議相機勦捕今復據呈看得賊勢漸盛
民患日深該道旣以兵力勞憊勢未能克卽須會同
守巡守備等官或親至賊巢或於附近賊巢處所屯
劄選差知田通賊曉事人役齊執告示榜文權且撫
諭各賊委曲開譬或姑賜以牛酒銀布耕具種子之
類令其收衆入巢趁時耕作因使吾民亦得暫免防
截之役及時盡力農畝一面選兵勵士密分布哨道
候收歛已畢各巢亦積有糧米然後的探虛實尅期
並舉出其不意掩其不備乃籍兵於民因糧於賊非
獨可以稍紓目前之急亦因得以永除日後之患矣
今若兵力不足旣未能勦又不從權撫諭任其出沒

一絲不
漏

此兵家
討便宜
法要却
此等便
宜不可

不討我
不得之
手彼彼
必得之
子我無
兩宜之
勢也

往來則非惟民不安生窮困愈甚抑且賊亦失其農
業衣食不給若非擄掠何以爲生是所謂益重吾民
之苦而愈長羣賊之奸兵糧日耗後欲圖之功愈難
矣仰該道會同守巡守備等官上緊議處施行回報
毋得徒使往復致釀後艱其各該官司兵快人等不
論或撫或勦俱要時時操練整束密切隄備不得縱
弛致有疎虞

綏柔流寇

據左江道叅議等官汪必東等呈稱吉陶白竹石馬
等官近雖誅勦然尚有流出府江諸處者誠恐日後

計長慮
遠無微
不悉

爲患乞調歸順土官岑嶸兵一千名萬承龍英共五
百名或韋貴兵一千名住劄平南桂平衝要地方及
該府知府程雲鵬等亦申量留湖兵及調武靖州狼
兵防守等因始覘論議似亦區畫經久之圖徐考成
功終亦支吾目前之計蓋用兵之法伐謀爲先處變
之道攻心爲上今各徭征勦之後有司卽年誠心撫
恤以安其心若不服其心而徒欲久留湖兵多調狼
卒憑藉兵力以威劫把持謂爲可久之計則亦未矣
殊不知遠來客兵怨憤不肯爲用一也供饋之需稍
不滿意求索訾詈將無抵極二也就居民間騷擾瀕

亂易生讐隙三也固頓日久資財耗竭適以自弊四也欲借此以衛民而反爲民增一苦欲借此以防賊而反爲吾招一寇名官之意豈不虞各賊乘間突出故欲振揚兵威以待目前之無事抑亦不啻其害矣前歲湖兵之調既已大拂其情乃今復欲留之其可行乎夫刑賞之用當而後善有所勸惡有所懲勸懲之道明而後政得其安今稔惡各徭舉兵征勦刑既加於有罪矣然破敗奔竄之餘卽欲招撫彼亦未必能信必須先從其旁良善各巢厚加撫恤使爲善者益知所勸而不肯與之相連相比則惡黨自孤而其

顧名思
義四字
是先生
得力處
其子流
賊但主
撫而不
主勸養
以其所
做之官
乃巡撫
非提督
總戎諸

勢自定使良善各巢傳道引諭使各賊咸有回心向化之機然後吾之招撫可得而行而凡緩懷御制之道可以次而舉矣夫柔遠人而撫戎狄謂之柔與撫者豈專恃兵甲之盛威力之強而已乎古之人能以天地萬物爲一體故能通天下之志凡舉大事必順其情而使之因其勢而導之乘其機而動之及其時而興之是以爲之但見其易而成之不見其難此天下之民所以陰受其庇而莫知其功之所自也今皆反之豈所見若是其相遠乎亦由無忠誠惻怛之心以愛其民不肯身任地方利害爲久遠之圖凡所施

職也以
此繩已
即以此
繩入此
之謂忠
恕之道

爲不本於精神心術而唯事補綴掇拾支吾粉飾於
其外以苟幸吾身之無事此蓋今時之通弊也令同
通行計處仰抄案回道卽行知府程雲鵬公同指揮
周胤宗及各縣知縣等官親至已破賊巢各鄰近良
善村寨以次加厚撫恤給以告示犒以魚鹽待以誠
信敷以德恩喻以朝廷所以誅勦各賊者爲其稔惡
不悛若爾等良善守分村寨我官府何嘗輕動爾等
一草一木爾等各宜益堅向善之心毋爲彼所扇惑
搖動從而爲之推選衆所信服立爲酋長以連屬之
優其禮待厚其犒賞以漸緩來調習使之日益親附

又喻以稔惡各賊若彼不改一征不已至於再再征
不已至於三至於四五至於六七必使絕滅而後已
此後官府若行勦除爾等但要安心樂業無有驚凝
若各賊果能改行遷善實心向化今日來投今日卽
待以良善卽開其自新之路決不追既往之惡爾等
卽可以此意傳告開諭之我官府亦未嘗有必欲殺
彼之心若彼賊果有相引來投者亦就實心撫安招
來之量給監米爲之經紀生業亦就爲之選立酋長
使有統率毋令渙散一面清查侵占田地開立里甲
以息日後之爭禁約良民毋使乘機報復以激其變

此今人言保甲十家牌未有不迂腐視之者如布帛菽粟可以救饑饉其無奈

如農夫之植嘉禾而去稂莠深耕易耨芸菑灌溉專心一事勤誠無惰必有秋獲夫善者益知所勸則助惡者日衰惡者益知所懲則向善益眾此撫柔之道而非專有恃於兵甲者也至於本院近行十家牌諭誠亦弭盜安民之良法而今之有司槩以虛文抵塞莫肯實心推求舉行雖已造冊繳報而尙不知其間所屬何意所處地方該道仍要用心督責整理誠使此法一行則不待調發而處處皆兵不待屯聚而家家皆兵不待蓄養而人人皆兵無餽運之勞而糧餉足無關隘之設而守禦固習之愈久而法愈精行之

世人口稱細細而不收此後情哉

彌廣而功彌大其視前項區處抽調之兵有虛名而無實用可張皇於暫時而不可施行於永久若勞逸煩簡相去遠矣唯有該府議欲散撤雇倩機快等項調取武靖州土兵使之就近防守一節區畫頗當然以三千之眾而當在一處屯頓坐食亦未得宜亦須分作六班每五百名為一班每兩箇月日而更一次若有勦勦等項然後通行起調然必須於城市別立營房毋使與民雜處然後可免於騷擾嫌隙蓋以十家牌門之兵而為守土安民之本以武靖起調之兵而備追捕勦截之用此亦經權交濟相須之意合就

准行仰該道仍將行糧等項再議停當備行該州土
日人等遵照奉行自今以後免其秋調各處哨守等
役專在潯州地方聽憑守備叅將調用凡遇緊急調
取卽要星火馳赴信地不得遲違時刻守巡名官仍
要時加戒諭撫輯毋令日久玩弛又成虛應故事本
院疎才多病精力不足不能躬親細務獨其憂患地
方欲爲建立久安長治一念真切自不能已是以不
覺其言之叨叨各官務體此意毋厭其多言而必務
加細繹毋謂其迂遠而必再與精思務竭其忠誠務
行其切實同心協德共濟時艱通行總鎮總兵鎮巡

等衙門知會仍行三司各道守巡守備等官事有相
類者悉以此意推而行之發去魚鹽或有不足再行
計定奪

札守東道

蔡魁吾

揣貌博
若符契
英雄神
策大率
類此

屢覽行間報文知山寇近况悉其狡詐狂妄已被陳
將一語道破但其就撫緩勦捨近圖遠其中奸謀不
但欲慢我攻擊之心且欲散我會勦之局賊見浙將
近時同舟稍分秦越山鬼伎倆卽欲乘此隙而人所
以投聿投稟樂就浙撫且極言扈李之惡終不見遣
一親信之人下山納款此等局面正愚弄浙將於股

掌之上浙將一受其愚必以楊逆之言爲口實具稟浙撫鎮以自誇其功而形人之短倘浙撫鎮復受其欺謾必令緩攻以待降則彼之軍心懈而我之軍心亦疑疑與懈交乘會勦之局不終日而解矣雖江師用命孤掌難鳴半年之功隳於一旦可不慮乎卽或不然軍政不一令必難行勦不成撫撫不成撫優游歲月以致師老財匱成功莫必不幾貽嗤於狡賊哉本部院再四籌畫楊賊投撫一紙正是成敗關頭貴道身履行間便當面晤浙將反復申說以破其疑當備言會師之難集如此巨寇之叵測如此機會之易俱理之必然若旣已安插者當密檄營縣加意稽查不可令其狡通務使此二百餘人實爲我用方有當於兵機耳。

諭陳中軍

某日又得塘報知該將奮勇督攻燒賊頭關奪賊木城斷賊樵汲至今枯枝死水且久可以成擒該將之勤苦功高莫與京矣但慮賊勢窮迫又作狡言萬不可輕聽以懈軍心惟一力督攻乘此扼吭之勢以結斯局可耳大賊之所難者全在於水今水爲我有勢窮節短情形自見此時止宜坐困不必冒險欲速致

傷我兵卒惟該將練達持重當力為主持。又據稟云此番勞瘁本部院所朝夕不忘者既有本部院作主何憂非之可人息壤之盟在耳必不渝初除已經行牌查飭外該將唯一力辦賊功成之後自當破格奏敘此本部院矢心相告嗣後再有匪類揚言密行飛報自當軍法從事料該將必不以一二人言而噤大事也勉立殊勛於候大捷再扎。

軍政二 檄兵會勦類

預行南京各衙門勤王咨 王陽明

為照前事係天下非常之變宗社安危之機雖今併

行江西吉安等府及湖廣福建廣東等處調集兵合勢征勦外但彼聲言欲遂順流東下竊據南都看得長江天險南北之限留都根本咽喉所關雖以朝廷威德人心效順逆謀斷無有成但其譎奸陰圖已非一日兼聞潛伏奸細於京城期為內應萬一預備無素為彼所掩震驚遠邇隘隘何及為此合咨貴部煩為通行在京及大小衙門會謀集議作急繕完城守簡練舟師設伏沿江以防不虞之襲傳檄傍郡以張必討之威先發操江之兵聲義而西約會湖湘互為犄角本職亦砥鈍策駑率躡其後以義取暴以直

加曲不過兩月之間斷然一鼓可縛。惟高明速圖之。

移金鎮會勦山寇 秦瑞寰

為軍務事查照衛寇魏福賢林文周大炮等屯聚出沒於洋溪五福寺洋坑大黃連諸嶺谷等處殺劫猖獗。抵緣三府地界交通將弁互相觀望以致狡賊遂得往來剽劫南驅北遁東擊西走勦捕終不奏功。目今斥禾遍野百姓不敢入山收獲若不乘時會兵撲勦將來盡齋盜糧為此除檄令衛協從毛村翁源等處進兵處協從柘木嚴剝等處進兵外擬合移會貴鎮即選良將統帶勁兵從靈山高坪等處而進期約

衛處將官會師於洋溪源洪公巢諸處搗賊巢穴但賊窟頗多所到之處須分騎搜山頓兵遍索弗疾馳竟過致賊左右藏匿又弗輕率旋師致賊暫潛復出務宜見賊則勦不見賊則屯令死賊困於山谷惟恐我兵見其烽烟晨夕不敢舉燬惟恐我兵遇而捕獲不敢間出遊掠寇無蓄積又無掠取將來餒斃過半偵探賊之羣而出者星馳襲之賊之零星出者分兵擒之務期掃蕩渠魁殲滅遺孽懋著厥功本院將特疏上聞用彰貴鎮偉績仍祈嚴飭將領戒諭兵丁不得騷擾百姓殺害善良及觀望不前坐失事機出

凡論將士出兵不可少



師日期希先移覆施行

軍政三 調兵防禦類

移部院請發兵鎮衢

秦瑞震

為賊氛四熾。汎險兵單。懇憲添兵剪滅。以鞏巖疆事。本月初三日。據金衢兵巡道副使張元璘呈稱云云。等因。本日又據嚴州府申稱云云。等因。各到院。據此。為照聞賊魏福賢結連山寇。流毒金衢。嚴三府勢成燎原。各府道將疾呼援救。本院先經調發標下遊擊馬騰衢統率勁兵合勦於金華各屬。其江山常山寇犯甚急。遂安殺掠。時聞楓嶺又以無兵見告。三衢為

江閩咽喉。全浙門戶。賊氛四起。勢甚岌岌。當此海寇大觜突犯之際。內地固圍為急。奈各協自備官馬盡數搜解。閩中缺額標兵。又奉嚴飭不許募彘弱土著。率多招克未足。似此時艱。應援無策。仰祈貴部院俯念衢屬要地。倘有疎虞。羽書中斷。關係匪小。亟賜撥發督標官兵駐衢。以資彈壓。以保上游。至撫標官兵貼防無存。屢經題咨在案。諒貴部院念重封疆。必不以本院為妄請也。

軍政四 催借發兵類

行委官督諭土目牌

王陽明

看得田州思恩領兵頭目盧蘇王受等所領目兵皆係驍勇慣戰之人今又各為身家子孫之計自願出力報効立功贖罪既已攻破賊巢分屯其地則其搜捕潰散之賊當如探囊取物數日可盡今已半月有餘尚未見有成功氣勢日見委靡此必軍中收有賊巢婦女等項貪恋女色財物不肯割捨脫離奮勇殺賊苟且偷安遂致兵氣日衰軍威不振若諸賊聞此消息乘此懈怠掩襲不備我軍必至撓敗如此則是各目此舉本欲立功而反敗事本欲贖罪而反增罪非惟不能仰報朝廷之德抑且有損軍門之威矣正

兵家通病不問可知

名定罪後悔何及為此牌仰原任戶部郎中今降徐聞縣縣丞林應驄齋執令旗令牌會同總兵監軍等官公同署田州府事知州林寬身督領兵頭目盧蘇等閱視各營但有收得賊巢婦女財物者通行搜出俱各開紀名數別立老營一所選委老成頭目另撥謹實小心兵夫晝夜管守將各貪恋女色財物不肯奮勇殺賊頭目兵夫姑且免其罰治責令即出搜山果能多有擒斬旬日之內功成班師仍將前項婦女財物照名給還亦不追究前罪若有貪恋女賊違犯軍令仍前不肯効力者仰即遵照軍門號令當時斬

以此謀之復以此解之備見驚歎之巧

首示衆斷毋姑息容忍致敗三軍大事蓋前日之招撫專以慈愛惻怛爲念者乃是本院憐憫兩府之民無罪而就死地乃是父母愛子之心惟恐一民不遂其生也至於今日用兵却須號令嚴明有功必賞有罪必戮者乃是本院欲安兩府之民使之立功贖罪以定其身家而因以除去地方之患是乃帥師行軍之道不如此不足以取勝而成功也差去旗牌官員務要星火催督無事姑息若旬日之後再無成功本院親臨分地定先將監軍督軍等官明正軍法其推奸避事不肯奮勇殺賊頭目通行斬首決不虛言。

軍政五

督辦軍需類

咨請部院其催船工

爲軍務事。准貴部院咨開云云等因。旬院准此爲照。禁旅將臨。所需戰船火砲等項。萬分緊急。本院檄諭交催不遑。寢處竭蹶。情形諒貴部院自能洞鑒。卽所司各官。屢奉明文。誠非慢令。至期可以借辭推託。惟是朝廷震怒。把逆降賊。特發都城兵馬。以張撻伐。原非本院疏請。茲事出倉卒。所辦軍需。故不易告成。必祈貴部院同心商酌。嚴飭所司共襄厥事。俾得免於貽誤。本院感共濟之仁不淺也。至於台州原有大

資台新書卷二

七

小戰船四十餘隻。新派成造水船船四十隻。今變亂之後。未免遺失。鳩工更難。亦須預爲酌議。前兩奉諭旨。督撫均有責任。矧貴部院奉命旋旌。謀深軍國。威靈赫濯之下。各屬草偃風行。諒亦不靳催督。今准前因。除又飛檄各官。嚴催外。相應覆請。爲此合咨貴部院。煩請查照施行。

查議民造戰船

爲酌議戰船舊例。以鞏海防事。照得邇來修造戰船。文武各官。互相推諉。及估計料價。半係浮開。全無公家之念。惟懷私利之圖。視官銀如探囊。以修理爲奇貨。稍有損壞。妄呈乞修。未及年限。輒議改造。不肖之官。強砍墳樹。科派民夫。侵欺日破。弊害無窮。昨據該區估修議造各船。多不按舊制。年年支銀。猶稱船朽。真可詫異。已經駁查。聽另行查核外。本院奏議四款。之中。有造船一事。最爲目前急務。前列條款。發行會議。未報今本院檢閱舊章。內載昔年官捕辦料。頗多虛冒。及至駕船。全不愛惜。有民捕人等。捐資打造。照船大小量驗。梁頭每年給稅。各有差等。船甚堅固。費亦省約。誠屬良法。因查寧波定海遊洋昌國民造。福蒼鐵頭犁。沙漁草撇。殼。輪。等船。大小共四百

一十六隻俱年給稅銀按時領修額銀舊於漁商二稅缺兵餉銀杭嚴衢三府協濟銀內抵給再有不敷動支兵餉此舊制甚明也但今昔事殊民造給稅之例是否妥便合行併議爲此牌仰海兵道照牌事理即便確察舊制當年民造係何項人捐資舊有捕盜名色成書內亦有捐資領稅者今日各汛合用何項船若干減去若干或仍稅例或給料價除額銀外應否動支兵餉有無別項堪動如民造爲便不妨酌量預給稅銀承造文到三日內酌妥具詳施行

軍政六 召募兵勇類

選練民兵牌

王陽明

照得撫屬地方界連四省山谷險隘林木茂深盜賊所盤三居其一乘間劫掠大爲民患本院繆當巡撫專以弭盜安民爲職欽奉勅諭一應軍馬錢糧事宜得以徑自區畫蒞任以來甫及旬日雖未遍歷各屬且就贛州一府觀之財用耗竭兵力脆寡衛所軍丁止存故籍府縣機快半應虛文禦寇之方百無足恃以此例彼餘亦可知夫以靡率而當強寇猶驅羣羊而攻猛虎必有所不敢矣是以每遇盜賊猖獗輒復會奏請兵非調士軍卽倩狼達往返之際輒已經年

糜費所須動逾數萬逮至集兵舉事卽已囑囑潛形
曾無可勦之賊稍俟班師旋旅則又鼠狐聚黨復皆
不軌之羣良由素不練兵倚人成事是以機宜屢失
備禦益弛徵發無救於瘡痍供饋適增其荼毒羣盜
習知其然愈肆無憚百姓謂莫可恃競亦從非夫事
緩則坐縱烏合勢急迺動調狼兵一皆苟且之謀此
豈可常之策古之善用兵者驅市人而使戰假閭閻
以興師豈以一州八府之地遂無奮勇敢戰之夫事
豫則立人存政舉近據江西分巡嶺北道兵備副使
楊璋呈將所屬各縣機快通行揀選委官統領操練

卽其處分當亦漸勝於前但此等機快正可護守城
郭提備關隘至於搗巢深入摧鋒陷陣恐亦未堪爲
此案仰四省各兵備官於各屬拏手打手機快等項
挑選驍勇絕羣胆力出衆之士每縣或多十餘人或
少八九輩務求魁傑異材缺則縣賞招募大約江西
福建二兵備各以五六十名爲率廣東湖廣二兵備
各以四五百名爲率中間若有力能扛鼎勇敵十人
者優其廩餼畧爲將領召募犒賞等費皆查各屬商
稅贓罰等銀支給各縣機快除南贛兵備已行編選
外餘四兵備仍於每縣原額數內揀選精壯可用者

並留三分之一。就委該縣能官統練。專以守城防隘為事。其餘一分。揀退疲弱不堪者。免其差役。止出工食。追解該道。以益召募犒賞之費。所募精兵。專隨各兵備官屯劄。別選素有胆畧各屬官員。各隊統押教習之方。隨材異技。器械之備。因地異宜。日逐操演。聽候徵調。各官常加考校。以核其進止。金鼓之節。本院間一調遣。以習其往來。道塗之勒索。裝素具。遇警卽發聲。東擊西舉。動由已運。機設伏呼吸。從心如此。則各縣屯戍之兵。既足以護防守。而兵備募召之士。又可以應變出奇。盜賊漸知所畏。而革心平良。益有所恃而無恐。然後聲罪之義。克振撫綏之仁。可施弭盜之方。斯惟其要。本院所見如此。其間尚有知慮未周。措置猶缺者。又在各官酌量潤色。務在盡善。期於可久。亮愛民憂國之心。既無不同。則拯溺救焚之圖。自不容緩。案至卽便舉行。先將召募所得姓名及措置支費銀糧陸續呈報事完之日。通造文冊。以憑查考。

軍政七 犒勞軍丁類

移提督犒賞戍卒

浙江 巡撫 佟匯白 諱國器 遼東人

為軍務事。照得定關戍卒。久著勤勞。本院視師海上。

先生三 在抗軍

齊台新書卷二

三

芥子園

名稿克
棟但死
刻集欲
見無由
得二作
以志一
班餘
徵人二
集

理應犒賞以示鼓勵謹捐俸銀三百兩齎送貴提督
煩為分別賞勞使各沾微澤第為數寥寥難備糶牛
之用不過憫其勞瘁少效投醪之意云耳擬合移會
為此合用手本前去貴提督煩為查照驗收施行
軍政八 禁兵擾掠類

行杭湖二屬牌

秦瑞寰

為督撫地方事照得各處盜賊充斥白日殺劫捉人
防弁見而不拿縣官知而不舉致使百姓身家莫保
控訴無門央浼線索論價講贖豈得已也養癰至今
民間止知畏盜賊畧不畏官府文武醜顏欺朦成痼

本院入境矢志殲除業督該道會勦第恐官兵復戾
垂機擄掠民資聽信讐証枉害無辜良善各縣有保
民之責合行督飭查訪為此牌仰杭湖二屬各縣即
便親臨有寇地方查點保甲挨緝真賊并訪官兵有
無擾害據實密報本院以憑施行如再互相容隱仍
令斯民寢食不安不但國憲莫逃亦且良心難昧凜
之慎之

行衢巡道牌

為嚴禁婪弁縱兵以救民生事照得 朝廷設立官
兵駐防地方原為禦盜安民不許生端滋擾近訪該

屬弁兵有濫收無籍遊棍充伍食糧狐假虎威或放
頭開賭或合夥開舖橫行鄉曲其面置道營船盡則
與販私鹽攬載客貨夜則懸刀插矢劫掠民間威令
風靡馴至埠頭船隻慮差當官投營庇護及營兵需
船反向縣官折乾仍將營船駕坐莫敢誰何嗣報盜
賊劫掠不卽發兵擒勦遷延觀望及聞賊遁始借勦
爲名出屯民家勒索酒食指扳良善獵詐鄉村小民
受兵之慘甚於受賊之劫種種荼毒殊堪髮指三衢
災民如在湯火若不嚴加禁飭害於何底爲此牌仰
備兵道照牌事理卽便會同該將嚴飭所屬武弁毋

得招收土棍充伍食糧縱容開張賭舖及打造營船
與販攬載扮兵劫掠埠頭船隻不許借冒營頭懸燈
列幟假威虐民如有盜賊劫掠立刻發兵會同府佐
密行堵勦務期盡絕根株毋許耽延時日秋毫有犯
行間功過許監督文官及統兵將領各自據實塘報
以憑覆核賞罰如有故違該道密揭送院婪弁立刻
飛參兵丁嚴拿正法倘扶同隱蔽縱兵虐民仍犯前
項諸款者或訪聞或告發本院斷不爲該道寬也慎
之毋忽

禁飭弁兵借盜生事

浙江 巡撫 佟 滙 白 謹 同 器
遼 東 人

爲嚴禁弁兵借盜害民分別責成以免株枉事該本院會同部按二院照得地方設兵原以防大寇備非常無事則守有事則戰原不爲零星小盜藉其搜緝也晝伏夜行之盜多者不過二十人少者四五人然府縣設有捕廳捕衙廳衙設有捕役小小寇竊若無主名卽總鎮衙門無容鈎索若有主名卽捕衙捕廳縛之有餘至於防兵遇有上劫自當追擒禁城聞有盜起立應協勦總在臨場救應原不藉其搜求聞今武官四出訪牌成羣捕捉拏一連十拏十連百家稍殷實盡入株連不俟到官皮穿肉盡非刑弔拷何事

不供及逼招已就始移送道府有司官稍不細心鞠察便爲依樣葫蘆卽有不反而此輩到底護短不肯認錯動輒與間官構隙顯肆把持若不嚴加禁飭害於何底爲此牌行該道照牌事理卽便通行所屬及武職衙門自今以後若河道鄉村遇劫及禁城上盜責在巡兵與汛守官收應追擒若搜捕餘黨通盜及平時偵緝盤詰追究審供之事俱責在印捕有司員役武官不得差兵四出無端生事如臨場應急禦而反怯於追擒居常不應多事而反勇於搜緝以致野火無邊良民莫保道府有司查確卽行通呈叅究倘

或扶同隱蔽許被害赴熈兩院擊鼓鳴冤審實一並
奏參云云

軍政九 安慰軍民類

仰沿途衙門慰諭軍民牌

王陽明

照得先因寧王謀反請兵征勦續該本院親督各哨
於七月二十日攻復省城二十四等日在鄱陽湖連
日與賊大戰至二十六日遂將寧王俘執及其謀黨
李士實等賊首林十一等俱已前後擒獲餘黨湯平
地方稍靖已於本月三十日具本奏捷訖近因傳報
京軍復來愚民妄相逃竄往往溺水自縊本院親行

撫諭尙未能息殊不知朝廷出兵專為誅勦寧賊救
民水火之中况統兵將帥皆係素有威望老臣宿將
紀律嚴明遠近素所稱服縱使復來亦必自無擾害
况今寧賊已擒地方已靖京軍豈有無事遠涉之理
愚民無知轉相驚惑深為可憫誠恐沿途一帶居民
亦多聽信傳聞不實之言而北來京軍尙未知寧王
已就擒獲合行差官沿途曉諭軍民及一面迎候北
來官兵除將寧王反逆黨與本院親自量帶官兵徑
從水路解赴京師外仰沿途軍衛有司驛遞等衙門
照牌奉理卽行抄牌備出告示曉諭遠近鄉村軍民

人等使知寧賊已擒差去官員仍仰程程護送同與
迎候京軍請免沿途百姓供億之苦本院押解賊犯
量帶官兵皆自備行糧稟給沿途經過有司等衙門
止備人夫牽拽船隻及略供柴草給付各兵燒用其
他一無所擾不得因此科害里甲軍民

軍政十敘列軍功類

浴兵部

平西王

為查取應敘官員事准貴部咨前事內開凡副將以
下守備以上前開門對壘有功各據實詳開送部以
憑覈敘等因備咨在案准此勘得本年四月內逆闖

馬步數十萬長驅窺關本藩忠義激昂誓不與賊俱
生死戰死守父母家身舉置度外不待言矣仍多方
鼓舞聯絡所幸選鎮文武官兵同心戮力倡之於前
而開門各將士並能協和鼓勵應之於後四月二十
一二兩日戰者守者均矢肝腦塗地之心用能摧堅
破壘淨掃妖氛此一役也在前朝有報仇雪耻之功
在我

清朝立肇造大定之基揆厥勲勞良非淺鮮今貴部
移咨覈敘本藩轉行確察據各鎮協冊報前來謹備
冊咨送內如總兵何進忠捐軀突陣血功特懋應與

格外酌異此外如副將楊坤遊擊郭雲龍叅將孫文
煥効力最多並應優異敘陞以示鼓勵又如監紀同
知童達行陳全國催鋒借箸以文吏而兼武弁之勞
其功更難泯滅業經揭送內院轉送吏部擬與優加
京銜在案茲特再爲拈出用徵破格陞賚之
聖恩內又查遊擊魯澄副將程時登夏登仕胡亮保
關禦寇宜力並著而登仕胡亮當開門撫道投賊求
生之時獨能同讐戰守忠義可嘉且四弁智勇兼資
俱屬有用之才今俱置之空閒之地更覺可惜天造
草昧需人孔亟查缺優補似亦酌前勵後之一道也

統祈貴部立爲優酌擢用施行

浴吏部

爲核敘開創有功官員事照得本藩於順治元年四
月內歸命

清朝濫叨王爵而一時文武將吏共効開國肇造之
功上年十月內業經遵 旨查敘冊送兵部祗因本
藩奉 命西征久延敘覆今幸旋師本藩又特疏
上請除武職應冊送兵部外內有監紀同知童達行
淵猷卓識文武兼資當日同謀歸命戮力勦寇本官
之功居多相應首敘以徼不次擢用之恩又同知陳

寶治叢書
全國叅謀許榮昌錢法裕均效匡勦歸命戰守奔走之勞並應敘陞者也以上四員俱係文職咨乞貴部俯念開創首功非他可比立賜擬議分別敘陞庶勸典有光而人心益競奮矣

咨兵部

爲敘功事准貴部咨內開云云等因准此爲照我國家應天順人定鼎燕京不期月間率上來王幾成車書一統之治揆厥始基實肇造於開門之一戰而慶都之追勦觸暑星馳摧鋒陷陣亦屬不可泯之勞勩本藩謬荷

天恩已叨王爵矣顧一時同心戮力共成厥功者尙遼鎮文武將吏諸生近于有餘員其間有同謀歸命者有遠請王師者有當先迎駕者有陷陣先登者有効死守堞者又有以一身而兼在數勞者雖功有大小秩有崇卑之不同其歸命投誠以宣力於朝廷策勳於開創則一也計功行賞均宜叨

聖明之榮褒節念陞襲殊恩不便多冒前本藩就文武將吏中拔其功蹟之尤彰彰較著者造冊先咨貴部用徵不次之賞其稍遜於此者政在另冊咨請此皆本藩特疏三明奉有速與酌議之命旨前咨內

預行拈出在案今復准貴部移咨欲本藩分別同謀
先迎與戰守各款項具仰其難其慎不僭不濫之至
意查當日同謀歸命又兼監督戰守者則同知童達
行也前冊另款開列矣又遠請王師併兼任戰守
者則副將楊坤郭雲龍孫文煥也前冊亦另款開列
矣此外冊開之總兵副叅遊都守二百四十八員同
知叅謀三員則皆順天任命先登血戰應居首功者
也至云某年月日某地戰守此在奮勇效力搆攻王
身親目擊想亦貴部之所心悉本藩不敢贅陳以滋
瑣屑若夫各官之職銜或文或武或大或小本藩一

照各官歷題實銜分別開列開有與部冊不符者亦
係本藩之所劄加蓋當日明祚斬絕本藩以伯爵而
總統兩鎮值人心皇皇靡定之秋欲其與本藩同肝
胆而歸順清朝捨性命以捍禦逆闖倘非動以望
外之功名萬萬不能有濟由今追溯成功之機全賴
此著本藩又不得不申說明白仰邀同仁之一視也
總之關門慶都之役人人用命個個爭先戰係實戰
功係實功况開國首功又與他尋常戰守之功大
有分別破格陞襲賞一勸百關係重大貴部必能見
及於此矣除續敘有功各官應加流銜者另冊送敘

外今再備造文武清冊二本擬合回覆為此合咨前
去貴部煩照咨開事理立賜題覆應與優陞世襲撰
給 勅書者卽與世襲 勅書文職應超等擢用者
卽與轉咨吏部超等擢用施行

敘遊擊某海戰大捷功呈

台州司理蔣楚珍諱鳴玉金壇人

看得台海自大陳奇捷之後餘燼逃亡温區就羈戎
索又經憲臺蕩除遺寇商漁衽席洪波迴瀾生于尺
之紫靜沼見數峰之青卽有師武臣力將安用之顧
自五月後聞餘孽其苞蘖游魂影現蛟宮然劍處鯨
居潛身窮嶼寄命外洋曾未敢侈然揚妖氛於大陳

表裏諸汎地也本遊矢志長驅誓心殺賊自撫勦成
功之後曾無停晷益屏干戈惟其安不忘危所以動
卽奏效十月初五日日本遊仰承憲算手示方畧設伏
出奇督率哨官談易等遠出外洋犁沉賊船三隻陣
斬首級五顆生擒陳總老一名奪得刀鎗一十三件
俱經解驗實在夫戰而能勝勝而能常持其勝者斯
之謂全勝今以勦撫成功海波寧謐之際本遊探入
不到之區窮收已死之燼絕影銷形於以完已事而
防未然壯心烈烈如初餘身優優可賈以稱全勝誠
無愧焉摧陷廓清膚功並奏是皆憲威震疊妙算如

神故聞風卽落波臣之胆而用命遂臻天沼之澄

敘海捷功次

覆看得會勦之舉戰功莫先於台海奇捷無過於大
陳當狡寇未就濕撫之先出沒三區倏忽千里挾風
雨以爲去來汨鯨官以爲窟穴應撲則滅影潛踪乘
暇後東奔西突匪伊朝夕爲患滋多幸本都院仰遵
廟堂撻伐之靈誓必絕此而後朝食移聞師以截去
路檄台寧以斷來踪尅期掃蕩親發標兵先声所鼓
人有鬪心本道臺卽奉憲令密運奇謀督中軍張承
祖親至海門挑選悉飭舉平時特製火器及精習火

器之人鼓舞激勵面授方略於叅將康承 遊擊賀

君堯等夾擊五攻將總而下胸有成局目無全牛隨
經康叅將督率備倭王袞及總哨吳純政閻亮采等
直探大陳五畧湖海洋自辰至未銃砲震發洪波立
沸犁沉賊船二隻打死賊首賊徒屍浮海面轉戰三
四百里賀遊擊督率把總胡從明薛應祥等先是于
積穀下洋衝入賊陣犁沉馬攔船三隻及斬獲阿馬
老總督老等在案嗣奉嚴檄合同閩師會勦本遊坐
駕大小戰船左據大陳右搜溫島賊勢窮逼連夜逃
至温州投誠乞命盡數乘降此一舉也台州將士日

夜摩厲以須負戈整搦扼要爭奇會勦之師未集而
秦遊摧陷堅鋒拉折勁寇如枯朽所謂戰功莫先於
台海者此也大陳五峯湖爲賊之巢穴橫海樓船一
鼓並進火勢猛烈血迸屍浮遊魂飽蕩喙息乞憐所
謂奇捷無過於大陳者此也考其月日適迎會勦之
前茅次其功績正協溫區之後勁前詳所敘字字眞
實不敢虛開是皆仰憑各上臺握勝算於先竭綢繆
於上神謀秘書奠定妖氛本兵巡道成以蟠胸十萬
之奇着着應手事事留心佈置藏於不見料應妙於
當機等之有素備更多方以故賞罰嚴明將士用命
鯨鯢息浪窮寇就繼至如本職代庖府篆兼攝海防
仰承憲署奔走効勞及臨海知縣周黃巖知縣管瀕
海預防聯絡漁舟練集鄉勇是皆職所當然分求自
盡不敢明目天功其餘哨官羽兵該秦遊分別給賞
業有名數前詳亦不贅及

獎勵信豐安遠二令牌

蔡魁吾

爲獎勵勞令以昭激勸事照得贛屬連遭兵火民鮮
寧歲近因隣氛疊震土寇蜂起必賴廉幹邑令安內
攘外庶民無風鶴之驚野絕澤鵠之嘆昨據信豐安
遠二縣塘報僞逆陳鼎擁衆數萬蜂屯而至意在攻

城劫擄幸吉令截殺于山谷牛令堅壁于原野賊勢
瓦解狼奔鼠竄而遁本部院閱竟嘆賞無已除已經
度院部特疏題薦併傳飭各郡邑策勵外該本部
院獎得信豐縣知縣吉永迪經緯長才圭璋雅器胸
羅禮樂三千腹貯甲兵數萬膏沐子遺民歌襦袴澤
周南服功著韜鈴撫恤並優文武全備今暫制錦于
花封佇看補袞于楓陛安遠縣知縣牛天宿匡時
卓器濟世鴻才治蹟已著于安邑厥功又建平殘區
撫民有素靖寇無遺洵是良吏中之錚錚者合行將
論爲此仰府官吏照牌事理文到立刻動支銀兩代
爲花幣將本部院獎語楷書齊整備用彩亭鼓樂委
官致送本縣印官祇受自茲以往益當竭力保圍加
意訓練鄉勇遇有寇發速爲剪除更勵末路以副殊
庸仍取遵依併取用過銀兩欸項具報以憑撥補俱
毋遲延

批將士爭功呈

王陽明

據兵備僉事王大用呈樂昌縣知縣李增緝獲大賊
首李斌等審驗明白續據湖廣永州府推官王瑞之
呈稱廣東差人邀奪等情已拘知縣見在人役追出
原得獲李斌金簪銀兩荷包見在顯是湖廣兵快計

擒不得妄報掩飾看得邇者大征之舉湖廣實首其
謀江廣亦協其力既名夾攻事同一體湖兵有失是
亦廣兵之罪廣人有獲斯亦湖人之功况今賊首既
擒則湖廣領哨之官亦復何咎雖云因虞得毘而廣
東計誘之人亦非無功但求共成厥事何必已專其
伐矧各呈詞亦無相遠就如湖廣各官所呈即廣人
乘柁捕獲之功居然自見就如廣東各官所呈則湖
官運謀驅逐之勞亦自不掩獲級者匹夫之所能爭
功者君子之大耻仰該道備行湖廣守巡等官彼此
同心義氣各自據實造冊

終

資治新書卷之二目次

文移部

漕政

嚴飭官兌漕米牌

王湯谷

行嘉刑官嚴別漕弊牌

王湯谷

咨總河總漕催釐回空

秦瑞臺

行理刑官催釐漕運牌

佟漣白

屯政

咨戶部議興屯事宜文

蔡魁吾

咨戶部議墾屯田文

蔡魁吾

資治新書卷三日

行袁州興屯道

蔡魁吾

查覆屯米詳文

以下二篇誤收
一卷或製兩

侯筠菴

請量豁屯糧申文

洪谷一

錢法

行各屬嚴查私鑄牌

馮秋水

鹽政一

禁私販類

牌行揚州道

胡道南

牌行運司

胡道南

鹽政二

防夾帶類

移總漕部院咨文

胡道南

鹽政三

通阻滯類

移九江開咨文

李公弼

鹽政四

查額引類

牌發各省政府

姜滙思

鹽政五

剔場弊類

詳鹽院

蔣楚珍

權政

行揚州鈔關劄付

闕名

請禁官舫夾帶貨船文

李荆函

申革橋官稅課詳文

解石帆

蘆政

通行各屬牌

錢武山

申飭各屬牌

王印焄

茶馬

通行各屬事宜牌

許青嶼

行苑馬寺

許青嶼

又行苑馬寺

許青嶼

資治新書卷之三

湖上笠翁李漁蒐輯

漕政

嚴飭官兌漕米牌

浙江王湯谷諱元曠山東人

為申飭官收官兌之法。嚴禁私加私派之弊。以肅漕規。以甦民害事。照得浙省漕糧。每百石加耗米九石八斗。原係向來成例。緣每歲臨兌之時。才軍橫甲勒贈繁多。禍蠹倉胥需索無饜。順治五年間。隨經張糧道條議。將九石八斗折銀若干。又貼盤運綱司諸司若干名。曰截銀。令官收官兌。便軍民兩不相見。杜絕

資治新書卷三

林子園

勒索之端。最爲良法。彼時尚不分別正耗。至順治八年間。前院杜謂此項截銀。正米應給。耗米不應給。特疏題定在案。云云。又經撫院奏另疏。題定在案。則是漕兌一項。兩經具題。兩經奉

旨。官截之外。不許科派分文。官收之後。不得再令民兌。通飭各屬遵行。已久。無奈婪弁悍丁。愍不畏法。往往到臨倉領兌之日。拴合管兌經承。閉通各版倉蠹。故嫌米色不堪。酷勒篩颺。贈貼以致押差保歇。乘機講兌。官截之外。另派私截。私截之外。又派茶錢酒費。及話會洗澡等項。層層剝削。轉展誅求。稍不遂意。非

以。鼓噪嚇縣令。卽以悞漕脅愚民。有司恐碍考成。只顧粧聾做啞。百姓念及身命。誰敢講是爭非。典妻賣產。剝肉醫瘡。小民一石之糧。費用幾浮于正數。毒弊相沿。牢不可破。本院知之最久。念之痛心。仍恐事關漕兌。從中或有雜出別費。非本院之所及聞者。因備細行糧儲道條分縷。悉取具前項欵樣。確報前來。懸此明鏡。可以畢照魑魅。今當開徵之始。相應預爲嚴飭。爲此牌行糧儲道云云。如有刁軍橫甲。仍前借端生波。酷勒私截。及經承倉蠹。押差保歇等輩。通同打合指稱。講兌名色。虐民蠹國者。該道訪實。不時密

揭報聞以憑本院嚴拿法究立置重典此大害大弊
法在必行毋忽

行嘉刑官嚴飭漕弊牌

照得浙中漕糧惟嘉禾獨多而因漕受累亦惟嘉民
爲最蓋以田畝雖多年來水旱不時差繁賦急徵輸
催迫民力難堪以致賣女鬻男傾家蕩產者比比咨
嘆之聲盈於道路此本院耳而目之者是以一切漕
弊陋規嚴行禁革至再至三無奈領運官旗刁橫如
故明知米已徵足而船隻滯滯託故不前船雖到次
又借口米色不堪留難交兌任意拋擲百計索取弊

害多端從來旗弁婪肆未有如今日之甚者此輩不
顧國家重務惟圖一己之私臨次則逡巡觀望罔
念輓輸開行則河上逍遙恣意侵沒及至悞漕違限
又復卸過於人種種好弊深可痛恨今本院駐臨該
府一切興革在所必行豈有漕糧重務而不使積習
漸除飛輓蚤奏則法紀何存激揚安在合行嚴飭爲
此牌行嘉刑官云云如再有劣弁奸旗生端藉口故
意刁難橫肆不法者許該廳飛揭報院以憑飛章嚴
行泰處勿謂本院三尺之法不能行於此輩也

咨總河總漕催償回空

浙江巡撫秦瑞寰

諱世禎
潘陽人

為運期日迫有米無船懇祈催督回空以便交兌事
照得漕白二糧一年一運船必春運秋回方無愆期
茲浙省漕白糧米完數及額有司引領望兌而漕艘
片帆不至夫以零星易完之米待曠日持久之船此
督糧道暨監兌推官所以蹙額相告有云冬兌逾期
勢必遲悞者有云徵收日久臨兌恐借口黥變者此
則憂心如焚彼則逍遙河上悞天庾之正供誰任其
咎及今春融冰泮順流而南猶未甚遲萬一嗜利忘
公或攬載經商而故多停泊或起發私貨而到處逗
遛將運事之悞更甚于上年矣除經繕疏具題 請

飭外相應移會云云

屯政

咨戶部議興屯事宜

江西 蔡魁 吾 諱 遼 東 人

據江西興屯道副使翟鳳翥僉事許兆祥會詳前事
等因呈詳到部院據此為照荒蕪田畝奉 旨興屯
復撥屯本召民開墾誠為百世之良法凡有主荒蕪
召民耕種不領牛種者三年之後照例起科無容再
贖矣其有民無資本官給牛種耕種者分收籽粒原
疏之中開載三分取一今屯道慮歲有豐儉難于一
例或於每歲收成之際聽屯官履畝抽勘取一二以

爲則例不論開之多寡歲之豐儉遇有收穫初年二年則取三分之一三年則取其半至於屯本或卽在三年分租之內取還或另爲追補必須有畫一之規也查照原疏中有民無工本願行承種者給以僱值但患散而無統必須立一屯長統率屯民照依民間計工授食而計工授食之費又有難與部議相符者部議每頃約用屯本銀三十兩此就北方易墾之土而言若江右田多磽瘠荒殘之後藜莠成壟而且高下不一旱澇不時其間農工旣倍器具復煩纒而計之所用屯本有三倍於部議者矣屯本旣費不貲所收之租擬除十分之一以給屯長外其餘盡收入官以償屯本是亦通變之議也但三年之後田皆成熟此田或給屯長屯民爲業止追還原給屯本責以照例陞科乎抑或永作官屯歲歲僱人耕種乎是又不可不預請定程也至於開荒畝給屯本及收祖積穀等事見行嚴督屯道廳加意料理不遺餘力俟歲終造冊彙報外今據該道會詳前來合就咨達云云

咨戶部議墾屯田

據江西布政司會詳內稱順治某年月日承准戶部照會內開與屯一事等因題奉

聖旨是巧取熟地以當開荒強派各里以包屯課此等情弊誠宜預杜必須分別官地民地方免侵擾依議嚴飭行欽此欽遵抄出到部擬合就行云云等因奉此隨經移會與屯道酌議去後今准本道看議到司詳本司復看詳到部院據此爲照地土奉旨分別官民使熟田絕隱糧之弊真荒無包賠之苦裕國甦民誠爲盡善但以見在納糧與未納糧爲之分別官民一項今江省荒畝之中有已經民力開墾者照例三年之後方行起利但荒土雖闢糧尙未納民已費盡血力方恃有此恒產一旦造作官地此萬不能堪

且見在召民墾墾者自備牛種開耕無論有主無主似宜造入民地頂下可無容議若以未納錢糧必爲官地將來徠歸子遺又何所依以立命嗟此殘民旣無故土之可思勢必聚散無常欲使民之生聚其可得乎此民情利病之所關不得不爲計及也今據司道會議凡民間有主荒田百姓自認某年開墾照依年限納糧及無主荒田或附近百姓招徠人民自備牛種開墾者俱爲民地其無主無人承墾并有主再限三年之後力不能墾者俱作官地庶使民仍戀其故土速於歸業盡力開耕數年之間自可廣墾此開

荒之中。寓招撫之法。似屬善議。况此冊一定。百世難移。且關係進呈。

御覽。豈敢草率造報。徒滋日後瑣陳。懇請貴部軫念殘疆。俯准如議。分別既清。造報方確。特賜明示。得以遵行。今據該司呈詳前來。合就咨達。為此合咨貴部。煩請查照。速賜咨覆施行。

行袁州興屯道

據該道呈請。嚴飭各縣。招徠開荒。緣田到部。院據此。為照江省。自叛變以來。人稀田荒。屢行各屬。召墾無如。此儔已甚。且有司諸政。靡雜勢難兼全。是以數年

之間。報墾者無幾。報荒者益多。致蒙宰輔深謀遠慮。籌畫興屯。特題設官。專理屯政。使職掌既專。開荒有效。至於興屯去處。府州縣官。應聽屯道澁調。此部文開載甚明。應行事宜。該道就便可行。何至今日方請申飭。且該道總轄六府。屯廳分理各縣。何云二屯廳。不過分任二縣。豈各縣可置不問耶。似非縣令之推卸。實該道廳自諉也。况近准部咨。有分別官民地上之旨。見行藩司。該道查造清冊。其官田地畝。是在該道廳之設法開懇。其民田地畝。是在各州縣之多方勸課。此奉

新旨煌煌又誰敢為推諉倘屯政欲卸之各州縣則專設屯官之謂何今據前情合行嚴飭云云

鹽政一禁私販類○此禁捕後假公濟私其禁民間私販者俱載文告內

牌行揚州道

兩淮鹽院胡道南諱文學

為嚴革冗役以清積弊事照得設立捕役原以緝私非以販私近訪得巡鹽廳官濫用多人以致恃腰牌為護身每每連檣巨艘恣意私販行至市鎮假扮鹽犯墩鎖船頭遇僻靜處所即便交易殊不知墩鎖之鹽犯即捕役之同夥巡鹽之捕快實私販之鹽徒大子法紀深可痛恨前已牌行該道嚴查追牌革逐至

謫計妙絕匪夷所思

今未據回報合行再催為此牌發該道查照先令事理轉行各巡鹽官嗣後除鹽捕各官止許照經制留用外仍將名數造冊具文呈報如從前額外濫設者即查原給腰牌繳院倘官役通同縱私害公不行覺察或徇庇不舉本院訪聞有據定行指參不貸

牌行運司

為申飭食鹽事照得淮安府屬原係產鹽地面不行官引府廳各屬官吏合用食鹽勢必赴場買運但歲食鹽斤所用有限有等奸猾衙蠹每每借名官用鹽斤恣意與販大船小載公行無忌致使巡緝員役莫

滿脂盡是相公
議中來者實矣

資治新書卷三

八

芥子園

敢過問是以區區無幾之食鹽竟開不可窮詰私鹽之徑竇擬合嚴行申飭以肅鹺政爲此牌仰該司呈堂官吏照牌事理即將府屬各廳每有應用食鹽差人裝運務要官給印牌定以斤數不許指名夾帶借官與販如有仍前肆行裝載卽以私鹽科罪不得姑徇

鹽政二 防夾帶類

移總漕部院

爲嚴飭回空夾帶疏商裕課事照得糧艘運丁招納亾命每每於天津直沽等處收買廂鹽揚帆南下順

流江廣巡鹽官役多因糧艘重務不敢羈留盤詰明知不問以致連檣販賣江楚遍售城市在在有之前院慮難禁遏特具疏題

請嚴飭沿河一帶地方道府鎮將不時盤驗雖經通行在案茲今回空屆期非藉貴部院威靈儆行各屬嚴飭運官加意搜盤誠恐此輩利令智昏故輒不改有妨鹽政爲此云云煩爲嚴飭一帶駐防官兵道府州縣如遇糧艘回空上緊巡緝庶私販稍知斂跡官引易于疏銷 國課幸甚商民幸甚

鹽政三 通阻滯類

移九江關

兩淮監院李公弼諱贊元山東人

為移會事照得兩淮鹽賦甲於天下歲額一百七十萬本院受事後徹底清查方知從前補救皆是剝肉醫瘡况經海氛蹂躪之餘嵯務廢弛之極論其引鹽停壓二三細論其課餉又連欠百有餘萬日今設法徵比旬日之內可完三四十萬以濟楚粵滇南秦閩各省軍需其從前一弊竇俱經特疏奏聞種種陋規見在通行禁革與稍甦商困萬一茲當江掣在卽據各商紛七赴懇悉以過關為慮本院察其情詞感戴貴部之廉明無私不待言矣第所懼者

奸棍積弊冒充衙門名色增派苛費不一而足困苦疲商何以堪此所貴部嚴查諸奸痛革積弊凡商船抵關令當堂完納正料填明簿冊即便放行庶商人肯一分旁費卽能為朝廷足一分額賦其公私利賴無窮矣相應移會為此云云煩為查照施行

鹽政四查額引類

牌發各省道府

兩淮監院姜滙思諱國南仁和人

為嚴查額引以信考成事照得裕課全在通商故鹽疏引銷始收實效大部特申嚴額數

朝廷尤加意考成法制森然莫敢玩愒邇因憲節停
跡司權掣肘官吏墮窳奸豪縱肆引之完欠衰如充
耳商之利痛置若隔膜坐使天地之藏寧歸盜賊不
歸

朝廷藐法亂政莫此為甚合行飭查為此云示即將
十年分起至十二年分止每年額應疏銷引鹽會否
足額有無完欠按額嚴查造冊馳報

鹽政五 剔場弊類

詳鹽院

台州 蔣楚珍 諱鳴玉 金壇人

直陳場弊懇恩勒革以甦貧竈事四民莫苦於竈竈

之有總催猶里遞也台民里遞之苦因幫貼鹽免數
多畝出銀五錢六錢不等然有卯有限有名有色猶
未若總催之處處亂絲條條削骨也里遞之若府縣
知之憐惜之尚有温文款語慰其九年一年之勞亦
未若總催之無門告訴莫有見聞前不為之看詳後
不為之申說也台屬三場黃巖場最苦長亭杜瀆次
之終年薰灼淋漓脂膏幾何分頭斂率十手支吾竭
力以供場官司差各項之分例而日若不足尙望其
年完一年額完正額其可得乎彼解此提連繩貫索
踵穿髀折皮綻血流勢不得不借生員為外護假攬

天台新書卷三

十一

棍爲撐持批批未獲限通逃課之不完以場官爲
蠹課之官諸差爲蠹課之役故也今遇憲臨豐蔀見
日石鼓揚聲懇祈隆恩再造垂照苦情將每年每場
每倉照依里遞催辦錢糧歸併所屬縣正官立限徵
解勒示場官不許下場科派各項名色分司白役運
司堂頭不許需索各項陋規卽有票差止許在縣不
許下團值年總催亦不許仍前假借官差倚恃青衿
攤派各鄉竈戶橫費旣除正額自足或者謂職有定
員如此則置分司與場官何地然有官之害甚於無
官一家之哭何如一路與其殘剝焦頭爛額之窮丁
毋寧芟削前虎後狼之諸蠹且課額不過數千糜費
竟過一倍責成旣屬縣正徵解何藉多門總計惡差
幾數百人橫歛幾數千金害貽國課豈獨民生爲此
開揭上陳伏候電覽採擇施行

權政

行揚州鈔關劄付

關名

爲呈報船鈔徵收則例仰祈裁示以著定規事貴州
清吏司案呈奉本部送據揚州鈔關郎中李果珍呈
前事等因到部送司該本司呈堂蒙批云云奉此覆
查得各關之歲額多寡不同故抽徵之則例亦異如

揚關在明屢次加至肆萬有奇
清朝減定貳萬捌千陸百之數較明季僅有其半今
該差乃稱南商未通恐詘于額數增定則例以傾取
盈不思閩粵漸入版圖商賈將來雲集若拘拘增定
則例在今日一有執着致後日難以轉移合無行令
該差仍以會計錄則例為主惟視水陸之通塞商賈
之多寡斟酌而行務使近悅遠來以裕
國課斯為妥確等因呈堂蒙批揚關舊額壹萬叁千
兩此一例也明季加至肆萬餘兩此又一例也今斟
酌二者之中減至貳萬捌千陸百餘兩亦當照額增

減以為徵之則豈得慮有額增定則例以便取
盈該關查照另裁則例報奪奉此案呈到部擬合就
行為此合劄本官照劄事理即將新定稅額確酌則
例報部以憑裁奪毋得違錯須至劄付者

請禁官舫夾帶貨船

揚州李荆函諱果珍
惟使喚西人

為官舫夾帶貨船漏鈔虧額難問請乞憲示嚴禁以
裕國誠以通商賈事為照關稅定額分毫難虧官
舫夾帶明季陋習今猶相踵前已詳請禁示未蒙
頒發不謂近日南北稍通一切文武紳弁官舫往來
或托赴任或假

欽召一陛見名色及正鑲各旗莫稽何官何職已用
未用交通奸棍船頭將船停泊蕪湖瓜儀數月搶截
客貨攬入官船滿載始行不惟分毫鈔稅不納而隨
帶丁僕員役假克滿州服色如虎如狼蹲踞船頭脚
尾揚帆而去令人莫敢誰何稍有詰問便攫其怒甚
至兇橫無狀毆罵權役凌侮司官殊非

朝廷設官通商之體且其船隻所載茶布紬段磁器
等物皆係江南重貨每船資本不下萬于而見在往
來納鈔者不過附近魚蝦米菜數尺小艇為鈔幾何
是巨商富賈皆為紳弁奇貨而日夕所權不過與輕

痾貧販區區爭錙銖之利則又職所坐祖無策心實
媿悚者也况職報滿在即瓜代伊邇為時不足什之
貳而所徵解稅額尚未及什之六七報命考成恐
粉骨未足取盈也今者時迫事急不得不大聲疾呼
求禁于憲臺之前伏望本院部立賜嚴示危詞申飭
凜以功令使此輩各愛身名稍知斂戢少帶貨船
自免截搶不惟額稅有裨而商亦可流通矣

申革橋官稅課

金華 司李 解石航 諱學龍 興化人

察得稅課司自裁革稅官後初設義官徵稅開放橋
船以致赫詐多端陋弊踵起竊念官不可以私立稅

不可以私增若使一無點染此官何為戀戀若使一
無需索此地何為曉曉即云米麥宜察兩岸自有保
甲即云魚鱉宣稅一年不過米兩捌錢始之沐猴而
冠繼必傅虎以翼每船舊例貳分積漸必至叁分義
官既取一倍橋夫豈肯安然以致小民船戶住其魚
肉合無呈請憲示將橋匙仍令水利官自行開放不
致橋夫需索稅課銀兩仍仰該縣遵昭察追完解永
禁義民等官營求管理庶積弊盡祛津船利便
義民官稅課雖曰厲民其職奉憲委尚有由來
更有官非義民職無牌委橫踞要路以盤詰為名

遇貨便抽即薪米蔬菜之屬寸不容湘網其厲民
始為極致江南郎制臺有十二字小懸于宗門
云稅務自有專官私抽難逃國法詞滅而義該
所謂隻字嚴于斧鉞此示一出遂永杜其害商民
無不利之他人千言萬語所不能禁者此以十二
字禁之為政不在多言顧力行何如耳觀此益信
為確論

蘆政

通行各屬牌

為申飭報陞除弊之規以足課額以甦貧佃事昭得

蘆政 錢武山 杭州人



蘆政專奉 璽書督理洲課政為清漲除坍衰多益
寡本部上體

聖慈下恤窮戶可豁卽豁原係初心但課額已經奏
定又當為 國家計經費豈容有免無增况在形東
坍西漲欺隱儘多足堪抵補惟是人情樂豁憚隱急
宜調酌苦樂唯均合行通飭為此牌仰沿江各府官
吏照牌事理卽便轉行各縣印官躬行查勘如果真
實坍江若受多年賠累卽于闔邑界內凡有新漲許
作抵補今後申坍文內明開某洲隱匿不鳴某洲新
漲未報以便批行務使課額無虧方可為民甦豁本

部非不欲速拯坍患然撥補歷來成規在坍戶患切
剝膚何乃憚煩不行察訪只解一味空號何日能甦
永累如有挾讐妄告借端扛詐定行加等重究永不
開除以警刁風或係假捏坍江故意拖延不行呈報
抵補者卽便嚴限比追斷不令頑戶得志有司受累
也

甲飭各屬牌

蘆政 王印周 諱日藻
部憲 華亭人

為嚴覈坍江清察新漲隱占併督課冊籍以足賦
額事照得蘆洲東坍西漲勢所從來陞漲豁冊與廉
訪隱占 簡書具在至於錢糧有正課加增籽粒餉
食治新書卷三

銀佃價等項奉旨俱有定額歲終稽核完欠考成
叅罰最嚴先已備行各屬諒所稔知本部蒞任以來
政令率由舊章未嘗少有踰越其各屬急公勤政相
與有成者固多然而慢令忽忽者亦有如錢糧佃價
不速追解冊籍事件不卽報完卽告坍一事大丈屆
期本部面審得情不得不准其間多寡虛實全藉縣
正勘台分明察有新漲與隱古陞科抵補方准具詳
除先案勘丈確實批行外近據詳報坍江率多苟簡
徒知減免課稅並不察補陞科且時見告坍絕無報
漲總之官不清刷民得奸欺似此日居月諸額課漸

致虧沒非惟本部任咎恐於該縣考成殊未便也其
有正官徑不覆加丈勘止據委官依樣葫蘆轉文回
覆甚非法體擬合通行申飭爲此牌仰本縣察照先
今事理各將積欠課餉佃價等項并冊籍事件火速
催完給批勒限解部仍卽細加察訪新漲沙灘及勢
豪隱古情弊據實飛報具見本官風裁定行特薦凡
有坍江洲塲務要躬親丈勘明確察補闕課如額方
可具詳或候按臨親丈日報奪不得仍前朦朧混請
豁減致煩批駁有干文網實媿相成倘再故違定提
經承重究不貸

茶馬

通諭各屬事宜牌

茶馬 許青嶼 諱之漸 巡按 武進人

茶馬之設 國家緩柔荒服 邊防寓焉 非屑屑操奇
贏爭市易炫利于采山博馬之謂也 顧利有所在 弊
則叢生 若今時所為釐弊以集利者 何嘗不察等牛
毛而源不加濬 流將自竭 則奈何 商藉晨星 較之當
日 猶然十之一也 愍不畏死之徒 憑藉為奸 小吏莫
敢過問 而幅員既長 視同馬腹 疾呼不應 猶然怒置
之耳也 課商而商日貧 督奸而奸益肆 羽檄紛馳 禁
網周布 於是以居奇之業 而或為之裹足 浴嗟約法

之條 而或謂其吹毛苛細 豈安內攘外 緝私疏公之
至計乎 况乎事事迫急 歲歲取盈 泉竭自中 勢將安
底 終歲之所剝削 培之數十年 而不償 亦甚負此
簡書矣 本院入秦以來 周咨疾苦 務為 國家謀久
遠 不與商民爭旦夕 凡所為休養而安全之者 至纖
至悉也 便宜數則 初平平無奇 策然行之 終歲而商
賈樂趨 番燹決角

朝廷德意 宜播遐荒 綱舉目張 幸無弛廢 迫之而至
不迫之 而速至 其效大畧可見矣 此無他 利散于人
則事集于上 私絕於已 則風清於下 硜硜寡用之徒

矢心夙夜必誠必懇准此而已倘謂消長之數歲或不同考成攸係良可怵心則從來茶馬原無定例煌煌令甲不可信乎若夫七監同政隸于茶馬而事岐爲兩求芻恤牧固無逾於秉心淵塞者矣爰載如左願同事諸君子交勉而勦其不逮

一量力派引以甦商困招商增引關係裕課前籌第秦省當凋耗之餘雖屢諭頻呼而消亡日告應藉無人因而按藉取盈不得不就現在諸商責其增益然不量厥力雖俄頃勉承究竟經年壓欠哀願紛紛催征無策商不加增引仍虛設又何益乎夫只此人數

縱操奇贏什百之利豈有金穴銅山取盈靡竭倘一人之身不問其貲力如何每年求益譬之致遠負荷弗堪中道而輸爾載必然之勢也輕減損課輕增困商給引時務加細察其無力者斷不宜勉責報引即有力者亦應使綽然餘裕培養數年商力康阜聞風者悅而趨事商藉既富又何患引目不數倍今日平至小引商人貲本旣微消亡亦易僅宜給以舊額俾漢刑官通融給散酌盈助虛幸無闕額足矣萬勿輕加一引而滋擾苗助長之害也

通融便商以濟新引商人輓運官商茶斤于給引

時關定司分以防影射作姦立法之初無有不善惟是各商官茶毋缺而其所分商茶多因該司地隘番貧不通貿易未免坐守歲時稽遲新引公私兩困往往由斯夫商籍遼遠挾貲有限在公立有程期在私則極之所往壅阻經年蠅營無利以致通課相困豈通商裕國之意乎合將商運官茶仍照關定司分交納完訖其應分商茶有願改發別司者許赴院稟討號票准其改發則貿易流通推陳致新庶無壅塞不行之患至防奸杜詐惟於給票時察其官茶果否全完商茶果貯某處飭令該管司官盤明茶數嚴立

限期輓運到日將票即投該司官繳院銷號違者以私販究治恤私而後責以急公未有其事不終者也一量寬限以恤勤商茶運艱難往返動逾萬里課程嚴迫栖遲倏忽經年向來趨運止以六月爲期預行該商原籍繫比家屬必漢刑官報文到日始行開釋關係軍需豈容疎懈然以時日道里計之廣漢巉山捷足亦難飛越採買盤驗信宿必滯輓輸徒設嚴迫之條未覩輸將之效本院事從實濟酌其至平寬限八月必果必信毋踰歲終奏報之期我旣推誠商仍弛玩將來貽戾悞公繩之以法俛首何辭萬一官

茶不完卽舊有商茶先令扣筭諸商亦何敢不夙夜
趨乃事乎終歲簡稽爲時有限豈能代人受過庶從
不容假借萬難措手之中畧寬一綫以緩眉睫之征
捆載而來輓輸恐後亦體恤勤商之一驗也

一免押差以鼓樂趨茶課不同鹽莢每領部引一張
齋赴產茶地方准市茶百斤到司稱驗闈分以一半
納官招中一半給商貿易必俟官茶發而後商茶始
行此定例也每歲鞏昌領引計其往返茶路不啻萬
里有餘無非險阻且西寧等處貨易率無現銀除購
馬有禁外不過互換皮張西纓等物往他處易銀營

運倘無兼倍費本半載之內責其往返不踰時刻斯
已難矣歷來散引有期恐其遷延貽悞預遣差押
令家屬赴領夫官課私營兩者不廢旣欲責以急公
而復繩以入筮束之過當無乃阻其子來願欲之心
本院入關時卽咨詢疾苦開誠面諭令其互相傳布
惟檄行各商本籍州縣催赴免用押差違者提究諸
商鼓舞樂趨速按臨鞏郡諸商已接踵而至惟王邦
濟一人以訟事愆期量加數引以示後至之誅耳

一專責成以杜苛縱緝拿私茶私馬向因各該衙門
司捕兵快相沿積習玩縱成風故設立比較懲前毖

後務期好先肅清，惟是所轄地方遼濶，往返輒二三千
里，使捕役越境投比，不獨跋涉艱難，抑且妨公擴
役置之，則又視同馬腹狎玩，鞭長迄無實效。爰定法
程，責令各屬應比捕役，每月終俱赴該管理刑衙門
就近查比。如有不實心奉行，賄縱私販及捏報微功
唐塞者，該理刑官將應比捕兵按法懲治，仍將印捕
官揭報題參。如該管各屬仍前弛玩，止提該廳經
承重治本官叅究。責成既有，尚官爰絕優游偃息之
風，亦省投比遠涉之擾。

一禁發茶以杜民累。漢興所屬地方所獲私茶，改發
別府州縣變價充餉。原為裕課起見，第自漢中發運
出境經過地方，撥夫輓運，未免騷擾。且變茶地方該
管官司潔已奉公者固在，而貪污之輩藉以營私者
亦往往而見。况官無貿易之理，勢必派散里甲按額
取盈，因而差役繁興，徵收滋擾。多一番跋涉，便多一
番弊端。當此三星在留之時，強之以所不欲，亦復何
堪。况乎層層剝削，其間情弊有不可復問者乎。凡有
緝獲，卽批令於本地方照依時值估變，外仍嚴飭不
肖官員不得借端發茶變價科派里甲，如違許被害
之人據實赴院陳告，以憑叅究。

一革尚差以杜騷擾西紫產茶處所奸販捍網實繁有徒年來以該地方僻遠耳目多所不及仍恐司捕員役巡緝疎懈有防茶政率多端差督緝其間吏役相緣爲奸不無生事擾民罔從覺察爲累不小既已責成該管官司職業攸歸無從推諉督緝之差允宜永禁惟是該地方官質質從事不遵法紀玩愒仍前則白簡隨之未有不愛功名而輕徇捕役者也

一釐風弊以蘇殘牧七監畜牧之場苦寒饒瘠斥鹵石田以處成卒責之領馬課駒凡馬匹例斃與夫虧欠孳息悉令賠補困苦之狀不可勝言所稱司牧之

官亦大率草衣藿食無所紛華其賢者悉心芻牧茹葉忍貧其不肖者未免信信白骨希圖吸脂吮髓以恣磨牙或借端科派或設法誅求雖至纖至悉已屬刻骨難堪加以正供或闕無策醫瘡則散走四方甚至轉于溝壑往往而然惟嚴飭各官除督牧配羣點馬驗駒等務不容疎懈外宜安心寒餓勉圖職業卽毫釐不得妄取之牧丁如仍踣前轍或有訪聞或有告發卽行題察究治庶鳩鵲餘生獲延殘喘牝驂蕃衍著驗秉心自嚴禁既頒而哀鴻旋集流離漸復歲內駒課丁糧輸將幾倍則遏無藝之征所云還至

而立有效者也

一杜訟源以專商業商人運茶往往以發市稽延貪營速售高抬價日放借與人奸徒投其虛嗜入手卽休每至銷歸無影虧資廢業接濟艱難許訟繁興有荒本務夫商在今日舊引未完新引復至萬分竭蹶尙慮悞公何堪以雀角之微羈遲歲月况竒贏取利豈画餅可以療飢而有司究問被告多漫無根蒂之人徒費捕風捉影惟嚴飭諸商本業所在務求實濟無田甫田以滋多莠如或借端興訟審問既虛新例煌煌豈容冒犯至於小引諸商違禁散茶紛紛許

訟業有明條各安本業裕商裕國道無出於此也
一省虛糜以杜影借巡歷所至每日應用一切米麩蔬薪等項俱發官銀照依時值兩平現買費誠有限其小飯下程從無收受之理乃一經陳設而出之舖行者已不知銷歸何所大抵州縣不肖有司往往藉上官經過供應科派里甲以營谿壑影射之端不一而足惟嚴飭前站到時先行查驗有干坐司外多設一物者卽行簡出發還如違卽重懲本役仍提該州縣經承究治務須細訪該州縣平日有無科派其所需物用雖至纖悉宜留意詳查毋爲影借以滋弊竇

本院按奏事事不循故套况簡畧性成不耐縟節斷不以口腹居處微有闕失責備有司致彼生端誅求百姓至有司之賢否其理人著績荒廢職業者入疆已屬瞭然或專工於此以圖取媚飾愆其誰信之易事難說多恤砥操視我行持意嚮卽在星馳電掣之餘尤所不容輕忽者也

行苑馬寺

許青嶼

爲嚴查積弊以恤殘牧事照得牧丁領馬課駒全賴撥給地畝耕種以資糊口之需今訪各監不肖官吏通同群頭里老上下作奸將給牧丁養馬田地或因

需索常例不遂不肯照例撥給者或有陽爲撥給牧丁陰行占種者更有將熟地隱不報上輸課者戕牧蠹公莫此爲甚合行嚴查爲此仰廳呈堂卽查七監各原額牧地若干內拋荒地若干熟地若干撥給牧丁養馬地若干分別羣內兒騾馬每馬給地若干羣外兒騾及駟馬每馬給地若干實該下剩納糧地若干務須委官履畝嚴加查明造具清冊并占種撥給牧丁田地及隱漏熟地各情由一併據實報院查核不得泛視僅憑各監開報轉呈致煩駁查滋咎未便慎之毋違

又
為牧政事照得七監牧馬關係克伍大計本院按奉
因牧務久弛行令該寺嚴飭各監加意修舉不啻再
三告誡今點驗各監馬匹率多瘦弱不堪倒斃繁多
追賠缺額牧丁竄匿充頂告幫種種流弊莫可究詰
朝廷既設一官自有一官職掌尸位虛糜設官何用
且七監各官除牧養孳息外尙有何事如此優游坐
視馬倒丁逃上虧國課漫不經心將何底止擬令
行查為此仰廳呈堂卽飭令七監各官恪守職業該
寺仍將修舉馬政事理并各監蠹牧積弊逐一查明

傳列興革款項詳院以憑酌行違違

監
馬
七
監

丁
逃
上
虧

